

## Կոնվերս բանկի լողացող տոկոսադրույք / ԿԲԼՏ

### Սահմանման և հաշվարկման կարգ

Կոնվերս բանկի լողացող տոկոսադրույքով (այսուհետև՝ «ԿԲԼՏ») հաշվարկվող ֆինանսավորման և ավանդային պայմանագրերի անվանական տոկոսադրույքը (այսուհետև՝ «Տոկոսադրույք») սահմանվում է հետևյալ սկզբունքով՝

$$\text{Տոկոսադրույք} = \text{ԿԲԼՏ} + \text{Հաստատուն բաղադրիչ}$$

ԿԲԼՏ-ն Բանկում սահմանվում է ըստ հետևյալ արժույթների՝

- ՀՀ դրամ,
- ԱՄՆ դոլար,
- Եվրո:

### ԿԲԼՏ հիմքում ընկած ցուցանիշները

- ԿԲԼՏ-ի հիմքում ընկած է մեկ հիմնական ցուցանիշ (այսուհետև՝ «Հիմնական ցուցանիշ») և մեկ երկրորդային ցուցանիշ (այսուհետև՝ «Երկրորդային ցուցանիշ»):
- Ընդ որում, ԿԲԼՏ-ն հաշվարկվում և սահմանվում է՝ հիմք ընդունելով Հիմնական ցուցանիշը, իսկ Հիմնական ցուցանիշի անհասանելիության կամ կիրառման անհնարինության դեպքում ԿԲԼՏ-ն հաշվարկվում և սահմանվում է՝ հիմք ընդունելով Երկրորդային ցուցանիշը:
- Հիմնական ցուցանիշի անհասանելիության կամ կիրառման անհնարինության դեպքում Երկրորդային ցուցանիշի կիրառման անհրաժեշտության առաջացման պարագայում Տոկոսադրույքի հաշվարկում Հաստատուն բաղադրիչը մնում է անփոփոխ:
- Հիմնական և Երկրորդային ցուցանիշների անհասանելիության կամ կիրառման անհնարինության դեպքում հաջորդ ժամանակաշրջանի համար Տոկոսադրույքի հաշվարկում հիմք է ընդունվում ԿԲԼՏ-ի հրապարակված վերջին ցուցանիշը՝ մինչև Բանկի կողմից տոկոսադրույքի հաջորդ հաստատման ժամանակաշրջանը:

## Հիմնական ցուցանիշ

ԿԲԼՏ-ի հիմքում որպես Հիմնական ցուցանիշ, կախված ֆինանսավորման արժույթից, ընկած են հետևյալ շուկայական տոկոսադրույքները՝

- ՀՀ դրամով** ԿԲԼՏ-ի համար Հիմնական ցուցանիշ (այսուհետ՝ «ՀՀ դրամով հիմնական ցուցանիշ») է համարվում ՀՀ պետական արժեկտրոնային պարտատոմսերի մինչև մարում եկամտաբերության կորի 6 ամիս ժամկետայնությամբ եկամտաբերությունը:
  - **ՀՀ դրամով հիմնական ցուցանիշի** վերաբերյալ տեղեկատվությունը հասանելի է
    - ՀՀ կենտրոնական բանկի պաշտոնական [կայքում](#):
- ԱՄՆ դոլարով** ԿԲԼՏ-ի համար Հիմնական ցուցանիշ (այսուհետ՝ «ԱՄՆ դոլարով հիմնական ցուցանիշ») է համարվում ԱՄՆ դոլարով 6 ամիս ժամկետայնությամբ Լոնդոնի միջբանկային առաջարկի տոկոսադրույքը (ICE LIBOR USD 6 Month)<sup>1</sup>:
  - **ԱՄՆ դոլարով հիմնական ցուցանիշի** վերաբերյալ տեղեկատվությունը հասանելի է
    - «Intercontinental Exchange (ICE)»-ի պաշտոնական [կայքում](#),
    - «global-rates.com» [կայքում](#),
    - «Bloomberg Terminal»-ում «US0006M» հղմամբ,
    - «Refinitiv Eikon»-ում «USD6MFSR» հղմամբ:
- Եվրոյով** ԿԲԼՏ-ի համար Հիմնական ցուցանիշ (այսուհետ՝ «Եվրոյով հիմնական ցուցանիշ») է համարվում Եվրոյով 6 ամիս ժամկետայնությամբ Լոնդոնի միջբանկային առաջարկի տոկոսադրույքը (ICE LIBOR EUR 6 Month)<sup>2</sup>:
  - **Եվրոյով հիմնական ցուցանիշի** վերաբերյալ տեղեկատվությունը հասանելի է
    - «Intercontinental Exchange (ICE)»-ի պաշտոնական [կայքում](#),
    - «global-rates.com» [կայքում](#),
    - «Bloomberg Terminal»-ում «EU0006M» հղմամբ,
    - «Refinitiv Eikon»-ում «EUR6MFSR» հղմամբ:

<sup>1</sup> ԱՄՆ դոլարով հիմնական ցուցանիշը 30/09/2024թ. ընդհատվել է, ուստի 15/02/2025-ից ԿԲԼՏ սահմանման համար Բանկում հիմք է ընդունվում [ԱՄՆ դոլարով երկրորդային ցուցանիշը](#):

<sup>2</sup> Եվրոյով հիմնական ցուցանիշը 31/12/2021թ. ընդհատվել է, ուստի 15/02/2022-ից ԿԲԼՏ սահմանման համար Բանկում հիմք է ընդունվում [Եվրոյով երկրորդային ցուցանիշը](#):

## Երկրորդային ցուցանիշ

ԿԲԼՏ-ի հիմքում որպես Երկրորդային ցուցանիշ, կախված ֆինանսավորման արժույթից, ընկած են հետևյալ շուկայական տոկոսադրույքները՝

- ՅՅ դրամով** ԿԲԼՏ-ի համար Երկրորդային ցուցանիշ (այսուհետ՝ «ՅՅ դրամով երկրորդային ցուցանիշ») է համարվում ՅՅ առևտրային բանկերի կողմից ռեզիդենտ ֆիզիկական և իրավաբանական անձանցից ՅՅ դրամով ներգրավված 91-ից 180 օր ժամկետայնությամբ ավանդների միջին կշռված տոկոսադրույքը՝ վերջին հասանելի ամսվա դրությամբ:
  - **ՅՅ դրամով երկրորդային ցուցանիշի** վերաբերյալ տեղեկատվությունը հասանելի է
    - ՅՅ կենտրոնական բանկի պաշտոնական [կայքում](#):
- ԱՄՆ դոլարով** ԿԲԼՏ-ի համար Երկրորդային ցուցանիշ (այսուհետ՝ «ԱՄՆ դոլարով երկրորդային ցուցանիշ») է համարվում ԱՄՆ ԴԴՅ քաղաքականության արդյունավետ տոկոսադրույքը (Federal Funds Effective Rate /DFF/):
  - **ԱՄՆ դոլարով երկրորդային ցուցանիշի** վերաբերյալ տեղեկատվությունը հասանելի է
    - «FRED»-ի պաշտոնական [կայքում](#),
    - «Bloomberg Terminal»-ում «FEDL01» հղմամբ,
    - «Refinitiv Eikon»-ում «FEDFUNDS» հղմամբ:
- Եվրոյով** ԿԲԼՏ-ի համար Երկրորդային ցուցանիշ (այսուհետ՝ «Եվրոյով երկրորդային ցուցանիշ») է համարվում Եվրոյով 6 ամիս ժամկետայնությամբ եվրոպական միջբանկային առաջարկի տոկոսադրույքը (EURIBOR 6 Month):
  - **Եվրոյով երկրորդային ցուցանիշի** վերաբերյալ տեղեկատվությունը հասանելի է
    - «Euribor»-ի պաշտոնական [կայքում](#),
    - «Bloomberg Terminal»-ում «EUR006M» հղմամբ,
    - «Refinitiv Eikon»-ում «EURIBOR6MD» հղմամբ:

## ԿԲԼՏ հաշվարկման ժամանակացույց

- ԿԲԼՏ հաշվարկն իրականացվում է տարեկան 2 անգամ օգոստոսի 15-ին և փետրվարի 15-ին, ոչ աշխատանքային օր լինելու դեպքում հաջորդող աշխատանքային օրը՝ հիմք վերցնելով ԿԲԼՏ-ների հաշվարկման հիմքում ընկած վերոնշյալ ցուցանիշների մեծությունները համապատասխանաբար օգոստոսի 15-ի և փետրվարի 15-ի դրությամբ կամ այդ ամսաթվերին նախորդող երեք աշխատանքային օրերից վերջինի դրությամբ:
- Բանկը կարող է այլ ժամկետներում արտահերթ վերանայել ԿԲԼՏ-ները, եթե մասնավորապես՝
  - ՀՀ դրամի ԿԲԼՏ-ն գործողի նկատմամբ փոփոխվում է 2 տոկոսային կետ և ավելի,
  - ԱՄՆ դոլարի և Եվրոյի ԿԲԼՏ-ները գործողների նկատմամբ փոփոխվում են 1 տոկոսային կետ և ավելի:
- Ընդհանուր առմամբ, ԿԲԼՏ-ները չեն կարող փոփոխվել տարեկան ավելի, քան երկու անգամ:
- ԿԲԼՏ-ների փոփոխման դեպքերում նոր ԿԲԼՏ-ներն ուժի մեջ են մտնում Բանկի կողմից սահմանված ժամկետներում, ընդ որում գործող պայմանագրերի դեպքում իրականացնելով համապատասխան ծանուցումները:

## ԿԲԼՏ փոփոխման կարգ

- Եթե տվյալ ժամանակահատվածի համար արձանագրված տոկոսադրույքի և գործող տոկոսադրույքի տարբերությունը մինչև 0.5 տոկոսային կետ է, ապա ԿԲԼՏ-ն չի փոփոխվում:
- Եթե տվյալ ժամանակահատվածի համար արձանագրված տոկոսադրույքի և գործող տոկոսադրույքի տարբերությունը կազմում է 0.5 տոկոսային կետ և ավելի, ապա ԿԲԼՏ-ները ենթակա են Բանկի կողմից փոփոխության ստորակետից հետո երկրորդ նիշի ճշտությամբ, ընդ որում ՀՀ դրամի դեպքում  $\pm 0.5$  տոկոսային կետով, ԱՄՆ դոլարի դեպքում առավելագույնը  $\pm 2.0$  տոկոսային կետով, իսկ Եվրոյի դեպքում առանց սահմանափակման: Սակայն այս սահմանափակումները չեն տարածվում ժամկետային ավանդների համար սահմանվող տոկոսադրույքների նկատմամբ:
- ԿԲԼՏ-ների մեծությունը կարող է կլորացվել մինչև մեկ հարյուրերորդական: